



ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ
«ՀԱՅԱՍՏԱՆԻ ՖԻԶԻԿԱԿԱՆ ԿՈՒՆՏՈՒՐԱՅԻ ԵՎ ՍՊՈՐՏԻ ՊԵՏԱԿԱՆ
ԻՆՍՏԻՏՈՒՏ» ՀԻՄՆԱԴՐԱՄԻ ԵՎ «ՌԻՍԱՆՈՂԱԿԱՆ ՄԱՐԶԱԿԱՆ ՖԵԴԵՐԱՑԻԱ»
ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆ ՄԻՋԵՎ

Հաշվի առնելով, որ Կողմերն ընդունում են ուսանողական սպորտի զարգացմանն և մասսայականացմանն ուղղված ձգտումը

Ձգտելով զարգացնել համագործակցությունը ֆիզիկական կրթության և սպորտի բնագավառում

Կարևորելով ուսանողների սպորտային և կրթական միջոցառումներում մասնակցության ակտիվության աստիճանի բարձրացումը

Ընդունելով Կողմերի պատրաստակամությունը համատեղ կրթական, մարզական միջոցառումների իրականացման համատեքստում

Հիմք ընդունելով սույն հուշագիրը և փոխադարձ պայմանավորվածությունները

Կողմերը համաձայնեցին հետևյալի շուրջ՝

1. Համագործակցության նպատակը

Սույն հուշագրով Կողմերը նախատեսում են Հայաստանի Հանրապետության օրենսդրության շրջանակներում համագործակցել հուշագրի 2-րդ մասով նախատեսված ուղղություններով՝ իրենց հնարավորությունների, միջոցների և փորձի կիրառմամբ:

2. Համագործակցության ուղղությունները

Սույն հուշագրով համագործակցության շրջանակներում «Հայաստանի ֆիզիկական կուլտուրայի և սպորտի պետական ինստիտուտ» հիմնադրամը (այսուհետ՝ Ինստիտուտ) և ՀՀ «Ուսանողական մարզական ֆեդերացիա» հասարարական կազմակերպությունը (այսուհետ՝ ՌԻՄՖ) պատրաստակամ են.

2.1 պարբերաբար միմյանց տեղեկացնել և համատեղ քննարկել ընդհանուր հետաքրքրություն ներկայացնող հարցեր, որոնք թույլ կտան զարգացնել սպորտը և դրա տարածվածությունը ոչ միայն ուսանողության, այլև բնակչության լայն շրջանում,

2.2 փոխադարձ աջակցության ցուցաբերել մարզական, կրթամարզական միջոցառումների կազմակերպման և իրականացման համատեքստում,

2.3 ուսանողների մասնակցության ակտիվության խթանման նպատակով տեղեկատվական միջոցառումներ կազմակերպել, մասնակցության նպաստավոր պայմաններ և պահանջներ սահմանել,

2.4 ՈՒՄՖ-ն պատրաստակամ է նաև.

2.4.1. համաձայն ՀՀ «Հասարակական կազմակերպությունների մասին» օրենքի հնստիտուտին համարել ֆեդերացիայի լիիրավ անդամ, ընդունել մուտքավճարներ և անդամավճար.

2.4.2. որպես լիիրավ անդամ հնստիտուտի պատվիրակներին ներգրավել ֆեդերացիայի կանոնադրությամբ նախատեսված ընդհանուր ժողովներին և ղեկավար մարմինների ընտրությանը.

2.4.3. աջակցության ցուցաբերել հնստիտուտի կողմից կազմակերպվող ներբուհական մարզական խաղերի և ՀՀ օրենսդրությամբ սահմանված ֆիզիկական դաստիարակության ուսումնական գործընթացի կազմակերպման ընթացքում.

2.4.4. ներգրավել Ֆեդերացիայի կողմից կազմակերպվող մարզական և կրթական միջոցառումներում հնստիտուտի դասախոսական կազմին և ուսանողներին.

2.4.5. որպես համալսարանական սպորտի միջազգային ֆեդերացիայի (FISU) լիիրավ անդամ հնստիտուտի ուսանողներին ներգրավել մարզական և կրթական միջազգային միջոցառումներում.

2.4.6. որպես համալսարանական սպորտի եվրոպական ասոցիացիայի (EUSA) լիիրավ անդամ հնստիտուտի ուսանողների ներգրավում մարզական և կրթական եվրոպական մաշտաբի միջոցառումներում:

2.5. հնստիտուտը պատրաստակամ է նաև.

2.5.1. համաձայն ՀՀ «Հասարակական կազմակերպությունների մասին» օրենքի համարվել ՈՒՄՖ լիիրավ անդամ վճարել մուտքավճարներ և անդամավճար.

2.5.2. որպես լիիրավ անդամ իր պատվիրակներին ներկայացնել Ֆեդերացիայի կանոնադրությամբ նախատեսված ընդհանուր ժողովներին և ղեկավար մարմինների ընտրությանը.

2.5.3. Ֆեդերացիայի կողմից կազմակերպվող մարզական և կրթական միջոցառումներում ներկայացնել հնստիտուտի դասախոսական կազմի անդամներին և ուսանողներին.

2.5.4. հավուր պատշաճի կազմակերպել ներբուհական մարզական խաղեր և ՀՀ օրենսդրությամբ սահմանված ֆիզիկական դաստիարակության ուսումնական գործընթաց.

2.5.5. հնարավորության դեպքում ապահովել իր ուսանողների մասնակցությունը համալսարանական սպորտի միջազգային ֆեդերացիայի (FISU) մարզական և կրթական միջազգային միջոցառումներում.

2.5.6. հնարավորության դեպքում ապահովել իր ուսանողների մասնակցությունը համալսարանական սպորտի եվրոպական ասոցիացիայի (EUSA) մարզական և կրթական եվրոպական մաշտաբի միջոցառումներում:

3" Համագործակցության սկզբունքները

Կողմերը սույն հուշագրի սահմաններում իրենց գործառույթներն իրականացնում են օրինականության, փոխօգնության, փոխադարձ հարգանքի և վստահության, համագործակցության սկզբունքներով:

4. Եզրափակիչ դրույթներ

4.1 սույն հուշագիրը կնքվում է երկու օրինակից հայերեն լեզվով, որոնք ունեն հավասար իրավաբանական ուժ: Յուրաքանչյուր կողմին տրվում է մեկական օրինակ:

4.2 սույն հուշագրի լրացումներն ու փոփոխությունները համարվում են հուշագրի անբաժանելի մասը:

4.3 սույն հուշագիրը չի առաջացնում ֆինանսական պարտավորություններ Կողմերի համար: Սույն հուշագիրը մտադրությունների մասին համաձայնություն է, ինչը պարունակում և հաստատում է Կողմերի համագործակցելու ցանկությունը և պատրաստակամությունը: Միաժամանակ Կողմերը ընկալում և հաստատում են, որ սույն հուշագրի դրույթները չունեն Կողմերի համար պարտադիր իրավաբանական ուժ:

4.4 յուրաքանչյուր կողմ կարող է միակողմանիորեն խզել հուշագիրը՝ այդ մասին մեկ ամիս առաջ տեղյակ պահելով մյուս կողմին:

4.5 սույն հուշագիրը կնքվել է Երևան քաղաքում, 2021թ. Մարտի 25-ին:

4.6 սույն հուշագիրը ուժի մեջ է մտնում ստորագրման պահից և գործում անժամկետ:

5. Կողմերի վավերապայմանները և ստորագրությունները

Ինստիտուտ

«Հայաստանի ֆիզիկական կուլտուրայի
և սպորտի պետական ինստիտուտ»
հիմնադրամ

ՀՀ, ք. Երևան, Ալեք Մանուկյան 11

Ռեկտոր՝ Ռաֆիկ Էսիբարյան



ՌԻՍՖ

ՀՀ «Ուսանողական մարզական
ֆեդերացիա» ՀԿ

ՀՀ, ք" Երևան, Ծարավ Աղբյուրի 55/11, 35

Նախագահ՝ Հովհաննես Գաբրիելյան

